

Broj: 01-04-2-93/2021

Sarajevo, 10.05.2021. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te odredbi člana 70. stav (3) Zakona o javnim nabavkama („Službeni glasnik BiH“, broj 39/14), direktor Fonda za zaštitu okoliša Federacije BiH donosi sljedeću

## **ODLUKU**

o izboru najpovoljnijeg ponuđača

### **I**

Najpovoljnijem ponuđaču ATALIAN GLOBAL SERVICES BH d.o.o. Sarajevo, broj ponude: KA-73/21 od 22.04.2021. godine, u postupku javne nabavke usluga održavanja čistoće u službenim prostorijama Fonda za zaštitu okoliša Federacije BiH, dodjeljuje se okvirni sporazum o nabavci usluga održavanja čistoće u službenim prostorijama Fonda za zaštitu okoliša Federacije BiH za lot 1 – usluge redovnog i povremenog čišćenja, u iznosu od 19.940,00 KM bez PDV-a.

### **II**

Najpovoljnijem ponuđaču ATALIAN GLOBAL SERVICES BH d.o.o. Sarajevo, broj ponude: KA-74/21 od 22.04.2021. godine, u postupku javne nabavke usluga održavanja čistoće u službenim prostorijama Fonda za zaštitu okoliša Federacije BiH, dodjeljuje se okvirni sporazum o nabavci usluga održavanja čistoće u službenim prostorijama Fonda za zaštitu okoliša Federacije BiH za lot 2 – usluge sanitarno ekološke zaštite, u iznosu od 5.594,00 KM bez PDV-a.

### **III**

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke, broj: 01-04-2-50/2021 od 25.03.2021. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je 36.574,53 KM bez PDV-a.

Predmet nabavke bio je podijeljen na lotove, i to:

Lot 1 – Usluge redovnog i povremenog čišćenja (procijenjena vrijednost nabavke 29.914,53 KM bez PDV-a),

Lot 2 – Usluge sanitarno ekološke zaštite (procijenjena vrijednost nabavke 6.660,00 KM bez PDV-a).

Obavještenje o nabavci broj: 1382-7-2-8-3-odlukas7/21 objavljeno je na e-Portal javnih nabavki dana 29.03.2021. godine u 16:36 sati, dok je na osnovu člana 9. stav (5) Uputstva

o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, broj 90/14 i 53/15), Poziv za preuzimanje tenderske dokumentacije u sistemu „E-nabavke“ upućen sljedećim privrednim subjektima putem e-maila:

- KRISTAL d.o.o. Sarajevo, [info@kristal-pro.ba](mailto:info@kristal-pro.ba),
- ATALIAN GLOBAL SERVICES BH d.o.o. Sarajevo, [dzana.kovac@atalianworld.com](mailto:dzana.kovac@atalianworld.com),
- EKO-TIM d.o.o. Sarajevo, [info@eko-tim.ba](mailto:info@eko-tim.ba).

Tendersku dokumentaciju, broj: 01-04-2-1618/2021 od 26.03.2021. godine (u daljem tekstu: tenderska dokumentacija) preuzelo je 12 (dvanaest) ponuđača, ispravku tenderske dokumentacije od 01.04.2021. godine preuzelo je 10 (deset) ponuđača, dok su u skladu sa provedenim postupkom javne nabavke ponude dostavili sljedeći ponuđači:

R.br.	Broj protokola	Naziv/ime ponuđača	Datum i sat prijema
1.	U-04-1569/2021	ECOTIME d.o.o. Sarajevo	21.04.2021.g. u 14:00 sati
2.	U-04-1570/2021	EUROSAN d.o.o. Mostar	21.04.2021.g. u 14:00 sati
3.	U-04-1573/2021	ATALIAN GLOBAL SERVICES BH d.o.o. Sarajevo	23.04.2021.g. u 9:19 sati
4.	U-04-1574/2021	SAMSIC d.o.o. Sarajevo	23.04.2021.g. u 11:00 sati
5.	U-04-1575/2021	GLOBAL TECHNICAL SERVICES d.o.o. Sarajevo	23.04.2021.g. u 11:28 sati
6.	U-04-1576/2021	EKO-TIM d.o.o. Sarajevo	23.04.2021.g. u 11:44 sati

Krajnji rok za prijem ponuda bio je 23.04.2021. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-64/2021 od 13.04.2021. godine (u daljem tekstu: Komisija) pristupila je javnom otvaranju ponuda dana 23.04.2021. godine u 12:15 sati, te je konstatovala da su dostavljene ponude navedenih ponuđača blagovremene i prihvatljive, o čemu je sačinila Zapisnik o otvaranju ponuda, te kopiju istog dostavila navedenim ponuđačima putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene iste utvrdila da:

- za lot 1
  - ponuda ponuđača ECOTIME d.o.o. Sarajevo, broj ponude: I-115/21 od 19.04.2021. godine sa ponuđenom cijenom u iznosu od 29.880,00 KM bez PDV-a, ispunjava sve uslove propisane u tenderskoj dokumentaciji,
  - ponuda ponuđača EUROSAN d.o.o. Mostar, broj ponude: 35/04/21 od 21.04.2021. godine sa ponuđenom cijenom u iznosu od 29.910,00 KM bez PDV-a, ispunjava sve uslove propisane u tenderskoj dokumentaciji,

- ponuda ponuđača ATALIAN GLOBAL SERVICES BH d.o.o. Sarajevo, broj ponude: KA-73/21 od 22.04.2021. godine sa ponuđenom cijenom u iznosu od 29.913,60 KM bez PDV-a, ispunjava sve uslove propisane u tenderskoj dokumentaciji,
- ponuda ponuđača SAMSIC d.o.o. Sarajevo, broj ponude: 13/21 od 20.04.2021. godine sa ponuđenom cijenom u iznosu od 35.412,00 KM bez PDV-a, ispunjava sve uslove propisane u tenderskoj dokumentaciji,
- ponuda ponuđača GLOBAL TECHNICAL SERVICES d.o.o. Sarajevo, broj ponude: 089/21 od 22.04.2021. godine sa ponuđenom cijenom u iznosu od 31.020,00KM bez PDV-a, ispunjava sve uslove propisane u tenderskoj dokumentaciji,
- za lot 2
  - ponuda ponuđača ATALIAN GLOBAL SERVICES BH d.o.o. Sarajevo, broj ponude: KA-74/21 od 22.04.2021. godine sa ponuđenom cijenom u iznosu od 6.520,00 KM bez PDV-a, ispunjava sve uslove propisane u tenderskoj dokumentaciji,
  - ponuda ponuđača SAMSIC d.o.o. Sarajevo, broj ponude: 13/21 od 20.04.2021. godine sa ponuđenom cijenom u iznosu od 1.160,00 KM bez PDV-a, ne ispunjava sve uslove propisane u tenderskoj dokumentaciji,
  - ponuda ponuđača EKO-TIM d.o.o. Sarajevo, broj ponude: 2811-1107-5286/21 od 22.04.2021. godine sa ponuđenom cijenom u iznosu od 5.600,00 KM bez PDV-a, ispunjava sve uslove propisane u tenderskoj dokumentaciji.

Ugovorni organ je u tački 3.4. tenderske dokumentacije propisao da su ponuđači u svrhu dokazivanja tehničke i profesionalne sposobnosti u postupku nabavke usluga ispuniti uslov da su uredno izvršili ugovore koji su u vezi s predmetnom nabavkom, u vidu dostavljenog spiska uspješno izvršenih ugovora u skladu s članom 48. stav (2) Zakona, koji su u vezi s predmetnom nabavkom za oba lota, za period ne duži od tri godine, računajući od dana objave obavještenja o nabavci uz 2 (dvije) potvrde o uredno izvršenim ugovorima, koje su iste predmetnoj nabavci za oba lota, kao i da dostave podatak o tehničkoj opremljenosti i osposobljenosti i mjerama kojima raspolaže pružalac usluga za izvršenje konkretnih usluga i osiguranje kvaliteta - za odgovarajući lot, i to u vidu ispunjene, potpisane i opečaćene izjave o ispunjenosti uslova iz člana 50. stav tačka c), d), e) i g) Zakona od strane ponuđača, a koja izjava je data u prilogu tenderske dokumentacije.

Na osnovu rezultata provjere kvalifikovanosti ponuda, ponuđač SAMSIC d.o.o. Sarajevo, broj ponude: 13/21 od 20.04.2021. godine isključuje se iz daljnjeg postupka nabavke za lot 2 zbog neispunjavanja navedenih uslova za kvalifikaciju.

Komisija je uvidom u ponudu ponuđača utvrdila da isti u svojoj ponudi za lot 2 nije dostavio dokaz - izjavu o ispunjenosti uslova iz člana 50. stav tačka c), d), e) i g) Zakona za lot 2, spisak uspješno izvršenih ugovora u skladu s članom 48. stav (2) Zakona, koji su u vezi s predmetnom nabavkom, niti je dostavio minimalno 2 (dvije) potvrde o uredno izvršenim ugovorima, koje su iste predmetnoj nabavci.

Uzimajući u obzir da ponuđač nije dostavio dokaze (dokumente) u skladu sa tačkom 3.4. tenderske dokumentacije, ponuđač SAMSIC d.o.o. Sarajevo se isključuje zbog neispunjavanja uslova za kvalifikaciju, te je Komisija dužna u skladu sa članom 68. stav (1) Zakona odbaciti ponudu navedenog ponuđača.

Ugovorni organ je u skladu sa uslovima tenderske dokumentacije, a nakon ocjene prihvatljivosti pristiglih ponuda, dana 23.04.2021. godine u 15:17 sati (za lot 1), odnosno

15:18 sati (za lot 2) zakazao e-aukciju putem sistema eNabavka na web stranici [www.ejn.gov.ba](http://www.ejn.gov.ba), i to:

- lot 1: za dan 27.04.2021. godine u 9:00 sati,
- lot 2: za dan 27.04.2021. godine u 13:00 sati.

Ugovorni organ je nakon okončanih e-aukcija dobio obavijest Agencije za javne nabavke BiH o uspješno završenim e-aukcijama i najpovoljnijim ponuđačima, i to:

- lot 1: e-aukcija uspješno završena dana 27.04.2021. godine u 11:04 sati,
- lot 2: e-aukcija uspješno završena dana 27.04.2021. godine u 13:10 sati.

S tim u vezi, daje se konačna rang lista ponuđača, te se utvrđuje slijedeći redoslijed ponuda:

Lot 1 – Usluge redovnog i povremenog čišćenja			
Ponuđač	Konačna cijena	Umanjenje cijene	Konačni rang
ATALIAN GLOBAL SERVICES BH d.o.o. Sarajevo	19.940,00 KM bez PDV-a	33,34%	1
EUROSAN d.o.o. Mostar	19.970,00 KM bez PDV-a	33,23%	2
SAMSIC d.o.o. Sarajevo	20.000,00 KM bez PDV-a	43,52%	3
ECOTIME d.o.o. Sarajevo	25.360,00 KM bez PDV-a	15,13%	4
GLOBAL TECHNICAL SERVICES d.o.o. Sarajevo	27.550,13 KM bez PDV-a	11,19%	5

Lot 2 - Usluge sanitarno ekološke zaštite			
Ponuđač	Konačna cijena	Umanjenje cijene	Konačni rang
ATALIAN GLOBAL SERVICES BH d.o.o. Sarajevo	5.594,00 KM bez PDV-a	14,2%	1
EKO-TIM d.o.o. Sarajevo	5.600,00 KM bez PDV-a	0%	2

Nakon provedenog postupka provjere kvalifikacije ponuđača i ocjene ponuda, te nakon uspješno završene e-aukcije za lot 1 i lot 2, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda, broj: 04-2-26/21 od 30.04.2021. godine koji ujedno predstavlja i Izvještaj o radu Komisije, zajedno sa Preporukom o dodjeli ugovora ponuđaču za lot 1 i lot 2, broj: 04-2-27/21 od 30.04.2021. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača najniža cijena, kao najpovoljnija ponuda u predmetnom postupku javne nabavke smatra se ponuda ponuđača ATALIAN GLOBAL SERVICES BH d.o.o. Sarajevo za oba lota, te se:

- ugovor o nabavci usluga održavanja čistoće u službenim prostorijama Fonda za zaštitu okoliša Federacije BiH za lot 1 – usluge redovnog i povremenog čišćenja, dodjeljuje ponuđaču ATALIAN GLOBAL SERVICES BH d.o.o. Sarajevo broj ponude: KA-73/21 od

22.04.2021. godine sa ponuđenom konačnom cijenom u iznosu od 19.940,00 KM bez PDV-a,

- ugovor o nabavci usluga održavanja čistoće u službenim prostorijama Fonda za zaštitu okoliša Federacije BiH za lot 2 – usluge sanitarno ekološke zaštite, dodjeljuje ponuđaču ATALIAN GLOBAL SERVICES BH d.o.o. Sarajevo broj ponude: KA-74/21 od 22.04.2021. godine sa ponuđenom konačnom cijenom u iznosu od 5.594,00 KM bez PDV-a.

U skladu sa naprijed navedenim, odlučeno je kao u dispozitivu ove odluke.

**POUKA O PRAVNOM LIJEKU:**

*Protiv ove odluke može se izjaviti žalba u roku od 5 (pet) dana od dana prijema ove odluke.*



---

**Dr.sci.oec. Fuad Čibukčić,**  
direktor

**Dostaviti:**

- ponuđačima
- Sektor za finansije
- a/a